

女科歌訣

經驗方附

女科歌訣  
卷之五

中  
林  
哥  
國  
夫  
氣  
妻

古人云甯治十男子莫治一婦女明乎調經胎產見證  
百出也女科成書林立奈簡而闕畧者有之繁而蒙混  
者有之不失諸偏卽失諸奧我曾祖搜羅女科諸書恐  
學者之難於記誦也因編爲歌訣爲初學指引入門非  
敢曰知其要者一言而終所賴舉一反三者好古敏求  
隨所指而進步焉是卽先人所厚望也夫曾孫炳揚謹

識

女科歌訣目錄

卷之一

經水

四物湯

八物湯

溫經湯

桃仁散

大延胡散

伏龍肝散

調營湯

犀角地黃湯

桃仁承氣湯

逍遙散

小柴胡湯

玉燭散

卷之二

經閉

越鞠丸

導痰湯

逍遙散

白虎湯

紅花散

玉燭散

溫經湯

分心氣飲

卷之三

崩漏

益胃升陽湯

涼血地黃湯

升陽舉經湯

膠艾湯

四物湯

四君子湯

檮白皮散

補中益氣湯

卷之四

赤白帶

二陳湯

魏君元濟陰丹

小胃丹

人參黃芪湯

加味四物湯

滋陰降火湯

五苓散

益胃升陽湯

卷之五

胎妊

人參橘皮湯

全生白朮散

子淋散

麥門冬飲

羚羊角散

芎歸膠艾湯

安胎飲

達生散

佛手散

卷之六

產後

五積交加散

蔥白散

四物湯

四君子湯

當歸川芎湯

失笑散

麻仁丸

延胡琥珀散

聚寶丹

七珍散

益母濟陰丹

硃砂安神丸

清魂散

抵聖湯

荊芥散

續命煮煎

女科歌訣卷之一

吳門邵登瀛步青輯

曾孫炳揚杏泉述

元孫

景康

景堯謹校

經水

婦人之病與男子同月經胎產方論不其

不同也

所謂經

血心主脾生衝爲血海灌溉諸經經絡之餘是爲月候  
三旬一見調准無咎過期爲虛四物參芪略加桃紅引  
用相宜不及期來乃屬血熱四物芩連清熱養血將行  
作痛鬱滯不通四物延牡青附桃紅行後作痛血虛宜  
補入物湯中延胡入劑紫色屬熱淡色屬痰治痰治熱



須以脉參

洪數爲熱  
滑大爲痰

經凝作痛新舊相搏血室停寒宜

溫經藥淋漓不斷斷後復來或爲澁滯桃仁散該臍腹  
作痛癥瘕寒疝消息虛實大延胡散五色相襍注下不  
時冷痛日久伏龍肝宜邪客經凝血化爲水泛濫爲腫  
調營分理火載血上錯經迷方爲吐爲衄犀角地黃入  
於大腸猶如血痢去瘀生新桃仁承氣血虛潮熱經候  
不調腰臍脹滿乃用逍遙傷寒發熱適逢經至熱入血  
室或行或止晝則明了夜則讖語四物小柴二方合之  
甚則玉燭下之亦宜師尼寡婦獨陰無陽慾願不遂火  
動不常陰陽交爭乍寒乍熱絕似溫瘧久成勞怯經事

不調白淫襍下頭眩膈滿肢瘦力疲肝脉獨弦出於寸口是爲陰盛治隨脉候

四物湯

歸入心脾地入腎

芍入肝脾斂陰分

芎能通行血中氣

最治血家百種病

血藥主方調經隨症加減

八物湯

八物湯名卽八珍

就於四物配參苓

朮焦草炙同相用

氣血兼療最有靈

溫經湯

溫經歸芍牡川芎

參桂莪甘牛膝同

血室凝寒新舊搏

繞臍氣滯痛難通

治經水不通繞臍寒疝痛甚及寒客血室血滯不行  
新舊相搏作痛

桃仁散

桃仁散桂半參丹

四物蒲甘漆澤蘭

經斷復來來復斷

腹疼血滯服之安

治月水不調或淋漓不斷斷而復來血滯作痛

大延胡散

大延胡散樸檳黃

赤芍芎歸橘木香

蓬稜桂棟苓甘草  
癥瘕攻衝痛莫當

治腹中滿痛或癥瘕痞塊血氣攻痛

伏龍肝散

伏龍肝散芍歸芎  
赤脂甘艾桂薑冬

衝任脉虛經色襍  
腰臍腹痛冷攻冲

治勞病衝任脉虛經血不時注下或如豆汁五色相  
襍腰腹冷痛

調營湯

調營十七桂延蓬  
赤芍歸芎赤茯同

辛草桑皮芷陳腹  
檳苧瞿麥大黃攻

治瘀血留滯血化爲水四肢浮腫皮肉赤紋

犀角地黃湯

犀角地黃芍牡丹

吐如潮湧衄如湍

若逢蓄血色應黑

審症投之卽見安

治經水不調火載血升爲吐爲衄

桃仁承氣湯

桃仁承氣用硝黃

攻血通陰入大腸

益以牡丹歸尾芍

婦人腹痛定安康

治經水不調血被火搏滲入大腸有如血痢肚腹作痛用此主之

逍遙散

逍遙白朮芍歸苓

薄荷柴甘七味靈

室女童男潮晡熱

調經除熱最爲神

治血虛煩熱及潮熱往來月水不調臍腹作痛加味  
用山梔丹皮

小柴胡湯

小柴胡湯參夏草

更有黃芩加薑棗

和解方中推第一

少陽百病奏奇效

治婦人傷寒及勞役發熱適遇經行致熱入血室其  
血或閉或不止寒熱往來晝則明了夜則讖語用小

柴胡湯合四物湯服之

玉燭散

白芍芎歸并地黃

硝黃甘草配相當

調胃承氣合四物

兩方合用莫遺忘

治經閉發熱六腑閉結

女科歌訣卷之一終

女科歌訣卷之二

吳門邵登瀛步青輯

孫炳揚杏泉述

元孫

景康  
景堯

謹校

經閉

二陽之病發於心脾不得隱曲女子不月月事不來胞  
脉閉也胞脉屬心不下通也是知經血責在心脾通其  
閉塞各有所宜七情所傷抑遏停結越鞠九子疎其鬱  
結軀脂滿閉經道閉塞導痰湯者通其經隧脾虛少食  
羸瘦潮熱用宜逍遙可使熱徹中消胃熱血液不生先  
清胃熱白虎人參血滯作痛紅花當歸經閉腹滿玉燭



無違血海虛冷溫經是已氣滯不通分心理氣有等女  
人性執愚魯脉道不通經事向阻難以藥攻戒勿過與  
越鞠丸

越鞠丸神香附子

川芎蒼朮炒山梔

六般鬱結湏當用

氣暢胸舒痞自除

治七情鬱結經水不行

導痰湯

導痰原用二陳湯

枳實南星并一方

不獨化痰兼利氣

脂充經滯服之康

治脂滿經滯

逍遙散

方見經水門

治潮熱血少

白虎湯

白虎湯用石膏煨

知母甘草粳米陪

亦有加入人參者

中消胃熱舌生胎

治中消血乾

紅花散

紅花當歸散牛膝

桂枝甘同芍藥赤

紫葳蘇木寄奴兼

以此服之攻血積

治經血閉滯

玉燭散

方見經水門

治經閉腹痛

溫經湯

方見經水門

治血海寒冷經血凝滯

分心氣飲

分心氣飲紫蘇君

赤芍羌通及二陳

大腹青皮桑白炒

好將官桂善調停

治氣滯不散經脉不行

女科歌訣卷之二終

女科歌訣卷之三

吳門邵登瀛步青輯

曾孫炳揚杏泉述

元孫

景康  
景堯

謹校

崩漏

暴下爲崩淋漓爲漏病有舊新治分先後衝任虛損復  
爲勞傷不能約制血下時常元氣不足益胃升陽血脫  
補氣古法殊良腎水有虧不能固守包絡火動血崩而  
走陽搏陰虛卽爲此候涼血地黃奇功屢奏有因陽脫  
陰火亦亡命門下陷舉經升陽有因虛損淋漓不常臍  
腹疼痛瀕膠艾湯四物荆穗止血有功四君乾薑溫胃

宜宗樗白皮散亦能止血血下無度用之攔截經脉錯亂不循故道三日不已便有積瘀凝成窠臼勿可澁住止中帶行庶幾不誤寒涼之味亦戒多投脾胃受傷厥疾不瘳大抵此症脾胃虛甚胃虛不升脾虛不運脫漏下流誠爲至論升補温中古人之訓補中益氣炮以乾薑陽病治陰陰病治陽定其血氣各守其鄉

益胃升陽湯

益胃升陽陽生陰

補中益氣麴黃芩

血脫何如先補氣

陽生陰長古傳今

治婦人血崩不已用此以助生陽之氣此血脫補氣

之法也

涼血地黃湯

涼血地黃十七家

芎歸羌細蔓升柴

荆防藁本同甘草

芩連知柏及紅花

治血崩不止腎水虛而不能約制者

升陽舉經湯

升陽舉經柴藁本

參芪朮芍芎歸等

甘防羌獨地桃紅

桂附細辛十八並

治經血不止右尺脉虛是氣血俱脫大寒之症輕手  
數疾舉指弦緊或澁皆陽脫之症陰火亦亡熱症見



於口鼻或渴此陰燥陽欲先去也法當升溫以補命

門之火

膠艾湯

膠艾湯傳自古昔

四物加甘共七味

當歸水酒一同煎

專治下血與淋漓

治勞傷血氣月經過多淋漓不已腹中疼痛

四物湯

方見經水門

加荆芥穗可止血

四君子湯

四君參朮苓甘草

補氣調中最妙方

假使脾虛致下血

炮薑加入服之良

脾胃虛寒下血不已加炮薑溫之

樗白皮散

樗白皮散生熟地

歸頭白芍川芎輩

地榆芩艾伏龍肝

十味水煎加醋匕

治崩漏不止血下無度

補中益氣湯

補中益氣倍參芪

歸朮柴升草橘皮

胃弱血虛元氣脫

扶元升舉莫教遲

治脾胃久虛血脫下行用此升提胃氣其血自止

曲中益氣湯

補氣升提

白朮

白朮

白朮

白朮

白朮

白朮

白朮

白朮

白朮

白朮

白朮

女科歌訣卷之二終

女科歌訣卷之四

吳門邵登瀛步青輯

曾孫炳揚杏泉述

元孫

景康  
景堯謹校

赤白帶

原夫帶脉起於季脇衝任之經皆絡帶脉今者衝任或蓄餘血濕熱鬱久乃成濁血穢滑稠粘爲赤爲白行於帶分綿綿不絕頭目昏眩口苦舌乾小便黃澁大便亦難帶下有此皆以熱看二陳蒼柏赤白主之芎星芍藥香附樗皮或有兼症加減隨宜亦因痰積下滲所致二陳蒼白升柴之類瘦人患此多屬血熱用濟陰丹可使

熱微肥人患此多是濕痰行痰蠲熱宜小胃丹虛人患此日久不息肌瘦潮熱倦怠無力腰脊痠疼小便淋漓人參黃芪加味四物其有白淫下如精狀所願不得相火之妄滋陰降火補益爲當其有白濁下如米泔亦是濕熱或兼有痰二陳蒼白五苓相參有如黃漿或如血水不時下流莫之能止蓋以衝脉經脉之海主滲谿谷與陽明會陽明爲長並屬帶脉今則胃虛不能化理衝脉失養不爲傳注蓄爲穢水妄下不已益胃升陽專補胃氣胃氣一振病斯愈矣

二陳湯

二陳苓夏草陳皮

痰在周身最合宜

赤白帶淋因濕熱

並加蒼柏莫教遲

治赤白帶加蒼朮黃柏主之隨症加減

魏君元濟陰丹

蕎麥將來爲細粉

只調雞子清成丸

空心服丸三五十

帶淋血熱亦相安

治赤白帶下

小胃丹

芫花大戟并甘遂

大黃黃柏相爲配

粥丸黍大量人施

實者宜投虛者碍

治濕痰滲下以致白帶連綿不已

人參黃芪湯

人參黃芪湯入物

鹿角車前同地骨

專醫帶下氣血虛

面黃潮熱肢無力

治久患帶下面黃瘦削潮熱無力氣血兩虛者宜用  
加味四物湯

加味四物貝樗皮

黃柏炮薑甘草隨

血虛久帶堪施用

襍症相兼加減宜

治血虛帶下不已肥者加二朮半夏赤者加條芩荆  
芥穗氣虛加參芪

滋陰降火湯

滋陰降火古方奇

四物湯加柏與知

天麥二冬加遠志

朮焦草炙共陳皮

治腎虛相火妄動時下白淫

五苓散

五苓散用能行濕

溼瀉豬苓茯與朮

肉桂爲之酌量加

須知利水兼清熱

治濕熱下迫或下如米泔用此方合二陳湯加蒼朮

白朮服之

益胃升陽湯



方見崩漏門

治衝任虛損胃氣下陷致穢水下流用此升提胃氣

女科歌訣卷之四終

女科歌訣卷之五

吳門邵登瀛步青輯

曾孫炳揚杏泉述

元孫

景康  
景堯謹校

胎妊

女子二七天癸始至月事時下乃能有子衝爲血海任  
主胞胎經調血足孕可成哉胎妊之成陰陽之理陰精  
先至陽精後衝陰開裏陽男形成矣陽精先至陰精後  
參陽開裏陰女形成矣陰陽均至非男非女兩精散分  
爲兩爲三妊婦之病爲症不一嘔吐惡心胸滿痞塞時  
或發熱氣不足息喜歡餌果不甘穀食怠惰嗜卧四肢

無力凡此之類宜乎辨識用藥精詳不可輕率懷胎惡阻嘔吐不時惡聞食氣人參橘皮懷胎浮腫氣悶喘息胎水泛濫全生白朮小便帶澁悶亂煩心膀胱蓄熱是爲子淋子淋散服其效如神膈聚痰飲躁悶不安體熱嘔惡是爲子煩麥門冬飲治療何難妊婦卒倒是爲子癇涎流口噤手足拘攣羚羊角散可使之安妊婦下血是爲胎漏衝任脉虛或爲下湊芎歸艾膠用之不謬有因體弱起居失宜胎動不安安胎飲之有爲子懸心腹滿痛胎上逼胸達生散用清熱養血必用黃芩安胎補脾勿離白朮順氣止痛加以砂仁補腎固胎尤宜杜仲

妊娠至藥大綱如斯設有他疾別門參之偶因跌仆傷  
動胎兒血下作痛昏絕欲危宜用佛手頻進服之胎安  
痛止胎損卽離胎產危症欲辨生死面以候母舌以候  
子面赤舌冷舌下脉青其胎已死其母得生舌赤面青  
或兼沫出其子得生其母必卒面青舌冷沫出不收唇  
口俱黑胎母皆休

人參橘皮湯

人參橘皮湯入味

白朮雲苓厚樸比

竹茹甘草麥門冬

加入生薑理胎氣

治懷胎惡阻飲食不入嘔吐痰水

全生白朮散

全生白朮茯苓參

大腹陳皮甘草并

佐以薑皮共七味

懷胎肢腫服之平

治子腫胎水泛濫

子淋散

子淋散用麥門冬

大腹苓甘與木通

竹葉再加惟六味

尿淋作痛奏奇功

治妊娠小便淋澀作痛

麥門冬飲

麥門冬飲赤茯苓

寄生白芍與條芩

旋覆陳皮并甘草

地黃桔梗其人參

治婦妊煩悶虛躁吐逆惡食多臥百節疼痛

羚羊角散

羚羊角散五茄皮

獨活川芎杏與歸

薏苡茯神防甘草

木香酸棗子癩宜

治妊娠頭項強直筋攣脈急語言蹇澁口吐痰涎不  
時發搐不省人事名曰子癇

芎歸膠艾湯

芎歸膠艾療胎漏

芍地芪榆甘共湊

薑棗加煎九味中

量投參朮奇功奏

治胎漏下血

安胎飲

安胎飲可安胎住

四物陳皮甘草類

人參白朮紫蘇芩

十味服之功乃倍

治胎動不安

達生散

達生八味紫蘇陳

甘草人參大腹鄰

當歸白芍川芎等

子懸作痛效如神

治胎氣上衝心腹滿痛名子懸

佛手散

佛手當歸與撫芎

水煎候沸酒和沖

損傷坐草皆宜用

胎殞催生立見功

治傷動胎兒下血作痛

### 十月養胎

一月肝二月膽三月心胞絡四月三焦五月脾六月  
胃七月肺八月大腸九月腎十月膀胱

諸陰陽各養三十日活兒手太陽小腸手少陰心主  
不養者下主月水上爲乳汁活兒養母四時之令始  
於春木故養胎始於肝膽也

藥物禁忌



蛭斑水蛭及蟲蟲烏頭附子配天雄野葛水銀并巴  
豆牛膝薏苡與蜈蚣三稜芫花代赭麝大戟蟬蛻黃  
雌雄牙硝芒硝牡丹桂槐花牽牛皂角同半夏南星  
與通草瞿麥乾薑桃仁通礪砂乾漆蟹爪甲地膽茅  
根都失中

女科歌訣卷之六

吳門邵登瀛步青輯

曾孫炳揚杏泉述

元孫

景康  
景堯謹校

產後

所謂產後大補爲主雖有襍症以末治之主末二字標本之義率指爲虛失其原意嘗觀產病瘀積爲多停食感冒詎可補乎診脉問病深加詳察推陳致新亦是補法產有難易血有多少辨症用藥運心之妙感冒風寒寒熱相間惡露少行頭痛腹滿五積交加用時加減過傷飲食胸膈不寬身熱血阻嘔氣作酸蔥白散子增損

其間陰血暴亡陽無所附浮散於外發熱無度四物湯  
中炮薑加服寒涼傷胃發熱非常陰寒在內以隔其陽  
四君爲主肉桂乾薑心腹痛疼惡寒發熱按之痛甚此  
有瘀血川芎當歸失笑允協血亡過甚津液乾枯不得  
傳送大便艱難四物湯中及麻仁丸敗瘀不盡迷亂心  
神狂妄不正言語無倫延胡琥珀聚寶七珍氣血暴虛  
心神無主任忡不安不時驚悸益母安神湯藥兼與目  
暗頭眩有如風狀投清魂散得以無恙瘀血入脾嘔惡  
欲吐抵聖湯者進之能愈產後蓐風兩睛直視身硬反  
張荆芥一味產後中風口眼喎斜手足抽搐續命煮佳

五積交加散

交加散 桔 穀 麻 黃

芎 歸 薑 桂 芷 樸 蒼

白芍二陳同和入

柴煎二味與參羌

治產後風寒兩感惡露不通身熱頭痛

蔥白散

蔥白散用四物君

參苓薑桂朮茴青

麥芽樸麴兼和殼

苦棟相攪及莪稜

治產後惡露不行心腹作痛或感冒停食

四物湯

方見經水門

治產後暴下血多亡陽發熱加炮薑肉桂服

四君子湯

方見崩漏門

治產後寒涼傷胃陽不得入用此加乾薑肉桂

當歸川芎湯

當歸川芎芍地黃

澤蘭香附桃紅牡

延胡更復入青皮

水煮還加童便酒

治產後瘀血停滯按之痛甚或發寒熱

失笑散

失笑二味五靈脂

蒲黃等分炒爲宜

三錢爲末酒和服

血痛心迷莫用遲

治產後心腹絞痛欲死或血迷心竅不省人事

麻仁丸

麻仁丸用錦紋黃

佐以人參最妙方

煉蜜爲丸服三十

便通效驗不尋常

治產後去血過多津液枯竭不能大便

延胡琥珀散

延胡琥珀十四味

四物蓬香桃與枳

蒲黃沒藥桂丹皮

惡露攻心狂不已

治產後惡露攻心狂妄不已

聚寶丹

聚寶丹中歸琥珀

木通麝乳辰砂沒

酒和成錠酒摩服

敗血攻衝奏奇績

治產後血氣上攻作痛

七珍散

七珍散治血攻迷

菖蒲辛防芎地隨

更用人參硃砂入

湯煎薄荷最爲宜

治產後血迷心竅昏亂狂言

益母濟陰丹

益母濟陰丹一味

陰乾母使犯鐵器

搗摩蜜煉却成丸

胎產諸般病自愈

治胎產一十九症

硃砂安神丸

硃砂安神用生地

甘草歸連共五味

血虛盜汗自相宜

更治怔忡與驚悸

治產後血暈驚悸

清魂散

清魂散君荆芥穗

澤蘭川芎參草配

產中昏暈不知人

目眩頭旋皆可治

治產後血暈不知人



抵聖湯

抵聖清魂大畧同

參陳甘草澤蘭從

荆芥除之更半夏

五樣加薑除嘔功

治產後瘀血入脾嘔惡欲吐

荆芥散

荆芥穗炒黑成研

再加童便效如神

蓐風癱瘓由新感

崩下頭眩最有靈

治產後偶冒風寒發熱頭痛兩目直視手足癱瘓名

曰蓐風

續命煮煎

續命煮煎四物參

荆羌桂草葛根辛

半夏防風兼遠志

中風血少力通神

治產後中風口噤半身不遂

女科歌訣卷之六終

中風血少代脈輒  
識美其草喜財辛



西在  
名在  
命  
馬  
方

附經驗方

吳門邵炳揚杏泉輯

子景康謹校

爛喉痧

道光己酉陽明燥金司天少陰君火在泉春仲民病時  
行初起咳嗽氣痞二三日發有疝痧咽喉腫痛甚至口  
舌糜腐痰壅氣喘終爲肺閉而死予從山東程司馬處  
得異功散方如法用之提出一泡以透邪毒頗爲神效  
並仿普濟飲鼠粘子湯各法加入乾浮萍人中黃服之  
病始退或愈後陽明邪實咳嗽不已再以清金法調之  
旬日乃痊

異功散

斑毛

四錢米炒去米

全蠖

六分

血竭

六分

元參

六分

乳香

六分

沒藥

六分

麝香

三分

冰片

三分

右藥共爲細末收入磁瓶臨用以膏藥一張納藥如黃豆大左貼左右貼右在頸內約半日卽起泡揭去膏藥銀針挑穿出水以竹紙貼之避風孕婦忌貼

普濟消毒飲

黃連

黃芩

薄荷

連翹

柴胡

升麻

甘草

桔梗

元參

馬勃

牛蒡

白芷

製蠶 板藍根

鼠粘子湯

鼠粘子 防風 荆芥 甘草

轉筋霍亂

轉筋霍亂古有是症而道光辛巳爲尤甚投以向來治疫各方不應予見是症初起卽現吐瀉轉筋而肢冷皮皺睚陷音低冷汗脉伏半屬陽氣先亡之兆乃製至寶回生丹貼臍上而首以回陽法進甚者投扁鵲玉壺丹而效迨同治二三年避兵滬城其症更甚子發午死午發子死往往投熱藥而生至於陽回後變症不一有化



火液涸者有昏陷口噤者有作紅白痢者則宜轉溫劑  
爲清劑不得謂專用熱藥者效亦不得謂專用涼藥者  
效互相訐訟也因重刻是症治法以質高明

自製至寶回生丹

麝香 三分

硫黃

一錢水  
荳腐製

丁香

一錢

吳茱萸

一錢

肉桂

一錢

白胡椒

一錢

右藥研細裝瓶蠟封每用二分二釐蔥汁沾濕納  
入臍中以暖臍膏烘熱蓋貼再用炒熱麩皮布包  
熨腹此藥只可貼不可吃孕婦忌貼

自製回陽救急散

附子

四兩

萆撥

二兩

吳茱萸

二錢

桂枝

三兩

木香

三兩

良薑

三兩

公丁香

二百隻

右藥共爲細末每服三錢白湯調服

此症切忌米飲湯紅靈丹玉樞丹等味

又措方

辣蓼草

俗名水紅花  
半觔搗爛

木瓜

四兩  
切片

桂枝

五錢

生薑

三兩

用黃酒二觔加水煎滾措熨四肢麻木處

又擦方

高粱燒酒

四兩

樟腦

四錢

同燉烱用生薑一大塊切平蘸擦四肢灣

扁鵲玉壺丹

硫黃 八兩

玉壺指人身而言道書曰金精滿鼎氣歸根玉液盈壺神入室立壽先生曰硫是礬之積礬是鐵之精生於溫泉產於山旁有水火既濟之妙本草治陰寒惡疾不言治臆今人用治命門火衰陽氣暴絕却有神效王晉三先生得異授製法當宗之

好硫黃八兩配真麻油八兩以硫打碎入冷油內燉爐上炭火宜微勿烈以桑條徐調候硫溶盡卽傾入大水內急攪去上面油水其色如金取釘底

淨硫稱見若干兩仍配香蔴油若干兩照前火候  
再溶再傾連前共三轉第四轉用真棉花核油配  
硫若干兩照前火候再溶再傾入大水內急攪去  
上面油水其色如絳第五轉用肥皂四兩水中同  
煮六時第六轉用皂莢四兩水中同煮六時拔淨  
製硫之油攪去其水其色如硫火之紫第七轉用  
爐中炭灰淋瀝水製六時第八轉用水豆腐製六  
時拔淨皂鱗之性第九轉用田字草搗汁田字草  
出水荒  
稻田中其葉如  
田字八九月採和水製六時臨用研如飛麵凡淨  
硫一兩配炒糯米粉二兩或水法或濕搗爲丸每

服以硫三分爲準漸加至一錢開水溫送下

附經驗方終